



Broj: 15-03-16-5-4-25/22
Datum: 15.3.2022. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (3) i člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka nabavke**

Član 1.

Poništava se zbog otkazivanja postupak javne nabavke materijala za čišćenje primjenom konkurentskog zahtjeva za dostavljanje ponuda, koji je objavljen na web portalu Agencije za javne nabavke Bosne i Hercegovine, Obavještenje o nabavci broj 1110-7-1-3-3-26/22 od 21.2.2022. godine.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Agencija za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) donosi odluku o poništenju postupka javne nabavke materijala za čišćenje zbog potrebe njegovog otkazivanja iz razloga koji su izvan kontrole ugovornog organa. Naime, predmetna javna nabavka je pokrenuta na osnovu potrebe za nabavkom robe, materijala za čišćenje, koja je detaljno opisana te su izražene potrebe po količinama koje su navedene u Aneksu 1 – Tehnička specifikacija Konkurentskog zahtjeva za dostavljanje ponuda, broj 15-03-16-5-4-4/22 od 21.2.2022. godine (u daljem tekstu: Konkurentski zahtjev), a koje količine nisu identično navedene i u Aneksu 4 – Obrascu za cijenu ponude Konkurentskog zahtjeva.

Neusklađenim podacima u pogledu količina robe koja se nabavlja Konkurentskim zahtjevom, odnosno netačnim unošenjem količina u Aneks 4 – obrazac za cijenu ponude od svih ponuđača je tražena roba u količinama koja nije u skladu sa potrebama Agencije izraženim u Aneksu 1 – Tehnička specifikacija, što onemogućava Agenciju, kao ugovorni organ, da nastavi sa daljnjim aktivnostima evaluacije ponuda i zakonitog okončanja predmetne nabavke.



S obzirom da je razlika podataka u Konkurentskom zahtjevu uočena u momentu nakon što je istekao rok za izmjenu tenderske dokumentacije prema članu 53. stav (6) Zakona o javnim nabavkama i nakon što su otvorene ponude, a kako ne bi došlo do bilo kakvih neželjenih posljedica, Agencija je u cilju jednakog tretmana i poštovanja osnovnih načela Zakona o javnim nabavkama prinuđena poništiti predmetnu javnu nabavku sa namjerom da istu ponovi sa količinama robe izraženim u skladu sa potrebama Agencije tačno navedenim u cijeloj tenderskoj dokumentaciji.

S obzirom da do poništenja postupka dolazi zbog njegovog otkazivanja iz navedenih razloga, ugovorni organ svim ponuđačima koji su dostavili ponude u predmetnom postupku vraća iste na adrese navedene u ponudama, te ih poziva da se ponovo odazovu na poziv za dostavljanje ponuda koji će biti objavljen po proteku roka na žalbu po ovoj odluci.

Uzimajući u obzir sve navedeno odlučeno je kao u dispozitivu u skladu sa članom 69. stav (3) Zakona o javnim nabavkama.

Pouka o pravnom lijeku: Protiv ove odluke žalba se izjavljuje Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom u roku od pet (5) dana od dana prijema ove odluke.

X



DIREKTOR
Dr. sc. Arif Nanić

Signed by: RTBIC / digitalno potpisano / digitally signed